

壯  
悔  
堂  
文  
集

壯悔堂文集卷之四

賈開宗靜子

徐隣唐爾黃

同里

選

閱

徐作肅恭士

宋 犖 牧仲

奏議

代司徒公論流賊形勢奏

臣謹昧死上奏寇患積十五年而始大非可一朝圖也由秦入豫一敗汪喬年再敗傅宗龍而天下之強兵破馬皆爲賊有矣賊騎數萬爲一隊飄忽事乘無堅城固資於我官軍但尾

其後問

卒或及之馬賈士餓甚且以

賜劍之靈不能使閉城之縣令出門一見運一

束芻饋一斛米此其所以往往挫劍也今賊氛

告迫全豫已陷其七八藩王待救望若雲霓然

自他日言之中原爲天下腹心自今日言之乃

康破之區耳自藩王言之維城固重自天下

危大計言之則維城當不急於社稷臣爲諸道

統帥身任平賊豈可言舍汙不援但臣所統七

鎮合之不過數萬人而四鎮尚未到也馮河而

前無論輕身非長子之義亦使羣賊望之測其  
虛實玩易朝廷矣賊中情形臣已具悉大約饑  
則聚掠飽則棄餘已因之糧不知積膏地生之  
利未開屯種豈多久逋思歸中宵兩泣以累積  
強難驟攫其鋒然其強易散可持久而定也賊  
中聯營各部如曹操一支窺李自成有兼井之  
心陰相猜貳而袁時甲有步卒二三十萬則已  
去而顯與爲敵矣此是彼之情實難以猝與我  
通而當事乘機避款賊之嫌又皆畏首畏尾

不肯一擔當利害爲國遠圖以致機會之來觀  
而坐失此卽朝更一撫夕易一督而省臺言兵  
事之臣章疏日數十上豈能鏘銖有濟哉誠能  
省朝中議論行關外軍法不顧責備不徇人情  
厚集兵力養威蓄重伺隙設間潰其腹心賊必  
變指陳大計若列眉端自内生惟在任事之人肯捐去形迹一捨其  
身與否而陛下聽之斷與不斷任之力與不力  
耳故爲今計苟有確見確莫若以河南委之令保  
定撫臣楊進山東撫臣王永吉北護河鳳陽撫

臣馬士英淮徐撫臣史可法南遏賊衝而以秦  
陝督臣孫傳庭塞潼關臣李左良玉固荆襄凡  
此所以斷其奔佚之路也確臣鄉自賊中來者皆  
言百萬今且以人五十萬馬十萬計人食日一  
升合馬食日三升合則是所至之處日得八千  
鐘粟也中原赤地千里望絕人煙自茲以往安  
所致此哉目今兵強無過良玉良玉爲臣舊部  
每對臣使涕泣有報効之心三過臣里皆向臣  
老父叩頭不敢擾及草木私恩如此豈肯負國

但從前督輔駕馭乖方兼之兵多食寡調遣爲  
難誠使臣得馳赴其軍宣諭將士鼓以忠義用  
三楚之糧養全鎮之兵臣不就度支關餉陛下  
亦不必下軍令狀責取戰期機有可乘卽東出  
與孫傳庭合羣賊腹背饑擾馳突無所不相屠  
滅必自降散舍此不圖而欲急已潰之中原失  
可扼之險要蛇豕肆舞恐其禍有不止於藩王  
者此社稷之憂而非小小成敗之計也臣謹悚  
息待命之至

奏入朝廷不許不三年而燕京之社稷墟矣  
吾謀適不用耳莫遂謂秦無人也讀之三歎  
靜子



代司徒公屯田奏議

臣竊見從來屯田之利人人言之而其大槩不  
過兩語在腹裏則屯田少而隱占多宜用清察  
在塞下則屯地多而耕種少宜用開墾清察法  
行而所以實軍伍者卽寓于其間開墾法行而  
所以限戎馬者卽寓于其中所患者惟無實心  
任事之臣狙因循則疑更絃之爲擾獵捷效則  
厭蓄艾之爲遲坐使自然之利棄而不收甚可  
惜也臣謹廣詢衆論參攷故實諸如官屯軍屯

兵屯民屯商屯之以人異也腹屯邊屯之以地異也條分縷析期于明便可行筭計見效別著墾種事宜而以攷課信任二議終之誠見天下有治人原無治法貴力行不貴多言伊惟陛下以重農貴粟爲本圖以知人善任爲綱領專責以課其成久任以收其後予以復 高皇帝昔養軍百萬不費民間一粒之盛庶有期乎雖然臣所言者不過其大畧而已各省直事體未必盡同或宜于昔而不宜于今或便于此而不便

于彼自非身在地方不能悉其曲折仍宜令各該撫按督率所司悉心規畫酌量昔勢遵依奉聖旨所云塞下作何營護腹裏作何綜理條議詳確約期具報以憑覆覈上請庶制以斟酌而盡利法以潤澤而宜民其有裨于國計軍儲非淺鮮也某月日臣某謹奏

一議官屯今天下屯政之壞弊如鼠穴而官屯與居一焉攷永樂嘗著令每一都司另撥旗軍十一名耕種號曰樣田蓋欲據所收籽粒多寡

以○辨○別○歲○之○豐○凶○地○之○肥○瘠○軍○之○勤○惰○初○未○嘗○  
以○用○與○官○也○始○于○隆○慶○二○年○將○宣○大○屯○田○開○墾○  
成○業○者○每○十○頃○內○給○軍○官○五○十○畝○爲○養○廉○之○資○  
而○又○令○各○自○行○開○種○若○副○叅○不○及○一○百○頃○守○備○  
以○下○不○及○一○十○頃○者○叅○論○戒○飭○其○立○法○初○意○豈○  
不○期○將○領○偏○裨○等○官○督○率○家○丁○克○勤○稼○穡○爲○士○  
卒○倡○哉○今○則○強○役○部○曲○占○收○籽○粒○至○如○宣○大○山○  
西○諸○鎮○關○帥○肆○其○鯨○吞○矣○延○寧○甘○固○諸○鎮○亦○然○  
恣○其○蠶○食○矣○肥○區○歸○已○而○以○其○瘠○磽○者○實○之○軍○

士久則竄易厥籍而糧彌不均糧不均於是不得  
不寄甲于勢要而欺隱遂多欺隱多於是不  
得不攤稅於佃軍而包賠愈苦流病相仍非朝  
伊夕人鮮樂耕野多曠土職此之繇侶宜稍爲  
限制總兵受田不得過二百畝副總兵不得過  
一百五十畝叅遊都司不得過一百畝坐營守  
備不得過七十畝俱督率家丁耕種有多餘者  
卽令退歸屯田數內給軍領種照則徵科敢於  
限外多占須如此處法一畝擅撥一軍者卽以贓論而又通

計所部墾田多寡以爲殿最果勞來有方副叅  
至一百頃遊擊都司至五十頃坐營守備至三  
十頃千把等官至十頃者聽撫按覈實舉薦叙  
陞若副叅不及二十頃遊擊都司不及十頃坐  
營守備以下不及五頃者聽該道報部題叅降  
罰敢有冒無作有欺荒爲熟該管轄者并治之  
令出惟行國初原額庶可復乎昔唐郭子儀以  
河中軍苦乏食乃自耕百畝將佐以是爲差於  
是士卒皆不勸而耕其後京西營田節度使劉

昌亦身率士墾田三年而軍有美食兵械銳新  
邊障安寧此皆官屯龜鑑也伏候聖裁

一議軍屯軍政之壞蓋未有如今日者也籍無  
用之人盡有限之粟而軍之外又別賦民以養  
兵是昔也兵與農爲二而今也兵與農與軍爲  
三矣宋臣朱熹有言恤民之實在省賦省賦之  
實在治軍軍誠練則得一軍可省一兵省一兵  
便贏一餉推而上之所贏當不貲而或者曰軍  
不可調也戍守不可使虛也臣愚將有以待之

皇帝初定制每衛所軍士以三分守城七分屯種又有二八四六一九中半等例皆以田土肥瘠地方衝緩爲差蓋卽先王寓兵于農之意無事爲農有事卽軍也而今頂種者無以異于民佃享軍之產無軍之差失其意已甚至軍田民種則不獨軍無其軍且幾屯無其屯夫典賣之禁故在也還官之條非不炳如也然相沿已久將槩引律例以從事彼不問然羣肆阻撓則計出于冒名詭託已耳所宜行令各衛所無論軍



民舍餘雜色但種軍屯卽應軍役其一軍之屯處分最當而衆佃者則朋出一丁務于農隙之肯分番操練遇警則城操之軍不妨調發而卽以屯軍代之戍守合天下屯田共六十四萬三千餘頃各處屯軍受田則例多寡不一折中推算當不下一百二十餘萬人有此一百二十餘萬人之數以備戍守便可于城操軍內挑出一百二十餘萬人之數以資調發不煩召募不增餽餉而緩急舉有所恃誠國家無形之鉅利也其或民籍

人戶慮一受田則世世受軍之累許其吐山還  
官別召軍餘頂種從此盜典盜賣之弊亦將不  
禁而自絕卽爲祛蠹計法莫逾此伏候聖裁  
一議兵屯夫天下無益田而有增兵有稜歲而  
無損餉度支仰屋之憂寧有已時乎聞之兵法  
屯田一石可當轉輸二十石皇帝從宋訥策守  
邊士卒備譏察外悉令屯田每將以東西五百  
里爲制耕作以時訓練有法遇敵則戰寇去則  
耕景泰時邊臣言沿邊關營城堡附近空閑地

土甚多將見在關營軍士二分守關一分屯種  
見在守城軍士一分操練一分屯種近唯天津  
海防營令兩兵共一屯一主耕一主戰深爲得  
法今宜卽依其例籍並邊空閑地之可開墾者  
於新舊尺籍內姑以一分負耒耜而留其二分  
任防守如有客兵者則以客兵防守以主兵耕  
其無客兵者則挑其精壯防守以不任戰者耕  
每三人共一屯每一屯定三十畝其所收穫則  
均分焉農具牛種力不贍者量許于餉銀節曠

內借支有秋之後照昔估取償如數而止宋臣  
廖剛有云執耒之勞較之操戈之危豈不特易  
況所食者公家之糧所享者入已之粒其必竭  
蹙以就無疑矣且人共爲佃卽人共爲守以兵  
衛農綽有餘裕脫遇不測燒穀入保亦不過與  
坐而不耕等耳論至所墾之田給爲永業俟二年  
後量照下則起科蓋但求積粟之多則士飽馬  
騰戰守有藉而邊境之上桑麻遍野穀價必平  
召買旣賤運費亦省公私兩利無過是者昔晉

羊祜鎮淮襄滅虜邏之半墾田八百餘頃當其  
始至軍無百日之糧及至季歲乃有十年之積  
已事明効照耀簡編豈有可行于古而不可行  
于今者哉伏候聖裁

一議民屯田因兵屯得名則固以兵耕若夫  
募民耕之而分里築室以居其人如晁錯疏所

謂相徙以實塞下者則以營名其實用民而非

便悉源流令人曉然

兵也乃又有民自墾蕪不繇官募而第爲之畫  
其疆井之數量行起科者謂之民屯宋制兵屯

以使臣主之民屯以縣令主之而魏了翁疏則  
曰墾田之效多于屯田其言良爲有見今江南  
杼柚幾空而秦晉荆豫之間羣盜蠡起民生無  
聊將盡化耒耜爲刀劍則驅浮情招流移誠不  
可緩昔漢人有徙遠方民以實廣虛之法而今  
恐不可行亦惟善用其勞來之術而已一日因  
之一曰利導之一曰整齊之何謂因大荒大禱  
蘇軾所謂民輕離其鄉之時也以臣所聞見畿  
輔棄田甚廣津涿水利無窮卽並邊膏腴亦不

乏。又如淮、鳳之區，齊魯之域，阡陌相連，灌莽彌望。山、陝等處，洊經兵燹，散而四方，州里蕭條，田土蕪廢。謂宜令所在各有司，加意招徠，鼓舞開墾。係額內者，俟三年後起科；係額外者，俟五年後起科。起科分數，雖上中之田，止照下田則例。其農器牛具，亦當量行借動，使其興作。秋成之後，漸續補還。王者以天下破的爲家，苟有濟于吾民，自不宜愛惜小費。泥費于帑，而終償于田乎？如是則人可無流移，而野可無曠土，是之謂因何。

謂利導做晁錯拜爵實塞下之意虞集軍官授  
富民之法試下令曰能闢五百畝者予秩視百  
戶能闢千畝者予秩視千戶能闢二千畝者予  
秩視指揮僉事等而上之進秩有差俟三年後  
以上中下則勻筭照中則起科其在邊地者仍  
照下則起科果歲入如額卽給與初下令肯職  
銜仍于籽粒中撥三分之一爲月俸其四百畝  
以下者量授散官職銜三百畝以下者給告身  
冠帶二百畝以下至一百畝引進而獎勸之若



是而民之褰裳赴者什二三矣。幹止既定必許其占籍長子孫得以三途進。又疑土著之民不能相容則另立屯額。若是而民之赴者什七八矣。或謂若輩非武功何得昇武功。爵然田墾而食足食足而兵強又何武功之足羨。或又謂進取格立無乃爲冒籍開徑則第令若輩來時卽登其所携與俱者于版更無虞滋他族也是之謂利導何。謂整齊令邊腹有司盡報其所部荒田可開墾者兩直報各道各省報布政司近限

破得是

是

遠慮

三月內遠限六月內悉行報部一面督率開荒如隱匿不報聽撫按察奏以不職論而獨慮成熟之後或有妄認世產希圖吞霸者則惟當開墾肯卽與改名爲屯給帖承掌俾此疆彼界瞭然難混雖有新軍補役逃戶復業亦不許告爭有勢家豪右恃強橫占者必罪不宥是之謂整齊雖然勸民要矣勸吏亟焉請令凡考課州邑之長必以境內開荒之饒乏爲殿最雖他政當併論而農事在所先漢臣王粲所謂農益地關

則吏受大賞農損地狹則吏受重罰者尤今日所宜講求也伏候聖裁

一議商屯甚哉制之不可輕變也國初計邊地寒又受兵且耕且守力最艱乃通商中鹽以維之令賈人輸粟邊郡官給之引赴鹽所領鹽轉鬻永樂皆粟二斗五升得鹽一引商贏利過當爭趨之各自設保伍募衆督耕於是邊地盡墾而塞下粟充溢露積饒于中土屯軍亦因其保障守望相助得力耕當此之時各鎮軍餉就其

地○足○給○無○有○所○謂○太○倉○年○例○者○閭○左○自○正○供○外  
亦○無○他○財○賦○蒸○庶○樂○業○其○後○邊○事○漸○興○建○弘○治  
中○部○臣○葉○淇○見○謂○賈○人○輸○薄○而○獲○厚○利○遂○奏○令  
納○銀○運○司○解○部○部○分○輸○各○邊○於○是○商○各○散○歸○逐  
本○業○營○貲○而○故○所○墾○田○盡○廢○邊○地○米○價○頓○湧○一  
遇○災○荒○卽○積○錢○如○山○金○如○土○而○米○無○從○出○鹽○課  
不○足○給○食○又○塞○上○尺○籍○日○增○至○傾○左○藏○以○贍○之  
加○之○遼○事○起○民○賦○愈○重○而○東○南○力○竭○矣○雖○至○嘉  
靖○中○仍○復○初○制○然○不○過○僉○報○土○著○及○積○攬○之○人

多易糧粟與官攬兌支無復懇土重以私運處  
行官引壅滯倉鈔莫售勢不得不減價投於  
戶資空本壓商皆逃徙每節司北併鹽糧如  
湯火不啻議者徒見邊方米豆不足漫思將餘  
課之銀悉改納邊方本色邊商聞之無不疾首  
蹙額審行之不至于無商不止也今欲籌所以  
恤之則亦不外開種商屯而已請于沿邊拋荒  
田地察有可墾者每商量給百畝或五十畝填  
與印信照帖永不起科及米豆赴倉之日則惟

酌時估以定斛量飭官額而革常例庶耗費既少而輸納無難也然其要者則尤自疏通鹽法始必禁私販於產鹽之地以清其源銷壅引於行鹽之區以導其流而又嚴掣摯杜浮課以制其旁溢若是則引鹽無滯引鹽無滯則倉鈔速售彼執母權子之徒有不負耒耜而樂趣塞下者耶伏候聖裁

一議腹屯今之言修屯法者不過清舊墾新二事而已而墾之課効歸不如清之計功實而人

于此本有之產荒落不治徒馳思于墾莽之鄉而虛與不必然之獲未敢以爲得也方今屯法大壞極矣大抵膏腴之區貪併于巨室隣界之處侵奪于豪強雖然衛所未改南陽之產猶可問也後湖具存故府之籍尚可稽也請令各省直督屯按臣道臣細將魚鱗老冊與屯田戶繇逐一勘對項畝條段務取相符四至坐落毋容朦溷備開見在耕種者若干有無包占欺隱荒蕪坍塌者若干應否召佃開除卽以大明會典

所載萬曆六年見額爲則除節年續報開墾數  
目自應增入額內畫一督徵其縮于原額者務  
要詳察起自何年因何緣故近省近鎮限十月  
遠省遠鎮限十二月報部稽察各道能清出隱  
地百頃以上糧三百石以上者臣部特薦紀錄  
進而得地三百頃以上糧千石以上者特薦超  
擢如全無清覈及造冊不明或違悞限期者糾  
叅罰治蓋必地糧之實額了然而後興墾之事  
乃可措手然則丈量之法雖不必盡施而亦不



必不施也彼頃畝如舊者可勿問矣有如按冊  
則有而問田則無非履畝而丈之何以矚侵牟  
說計之奸卽其差額覈其畝數大不過一都一  
里小不出一圖一區豈遂騷擾乎卽造報之冊  
見謂無用而實未嘗無用彼滄桑變易者固當  
亟諮若夫弱被強吞而不敢言肥以瘠易而莫  
能憇非書版而藏之何以存溝塗封植之券管  
收必明除在必斷三年朝覲則令投冊于臣部  
十年改造仍當冊報于後湖豈日繁文乎繇是

出○隱○占○之○浮○者○而○均○之○據○原○額○之○湮○者○而○種○之○  
按○冊○索○屯○按○屯○索○丁○丁○卽○爲○軍○屯○卽○爲○餉○從○前○  
私○買○私○賣○爲○侵○爲○匿○之○罪○咸○與○赦○除○蕩○然○與○人○  
更○始○萬○無○不○濟○乃○其○因○革○之○宜○則○猶○有○當○議○者○  
國○初○開○設○屯○田○派○坐○甚○遠○幅○幘○甚○廣○名○隸○本○衛○  
地○落○他○處○有○相○去○數○百○里○者○有○相○去○數○千○里○者○  
軍○產○民○產○相○錯○其○間○屯○伍○之○官○不○能○照○管○大○半○  
爲○豪○民○所○占○蓋○地○廣○而○賦○輕○故○豪○民○喜○得○入○手○  
卽○報○新○墾○於○州○縣○而○屯○地○自○此○消○滅○矣○除○同○省○

而越府者清察猶易如江西之南昌衛饒州撫  
州等所屯田坐落南直地方河南潁川衛潁川  
所亦然似此類者恐難勝數鞭長不及漁侵莫  
問謂宜比照嘉靖四十年將山西寧山衛平定  
州屯田歸併比直屯院管理事例通行改正徙  
軍就屯如不願往卽招本處軍人頂種徵其籽  
粒轉解原管衛所以充官軍俸糧允爲妥便此  
利在改併者也。祖制每軍田一分賦正糧十二  
石給本軍自贍另賦餘糧十二石以給在衛城

操者洪熙元年詔減徵餘糧六石至正統二年  
復詔各屯正糧卽令屯軍收自贍毋輸倉雖曰  
便之其實害之家多十斛麥卽良民不免妄費  
官無稽考糧無安頓焉能留積以待八月耶此  
壞屯廢法之病根也況繇前之制屯軍領糧于  
官猶自知其爲軍繇後之制屯軍未嘗從官領  
糧且自忘其爲軍矣今卽未能復正餘二十四  
石之舊謂宜徵其正糧十二石貯之屯倉俟本  
軍月取給焉而其餘糧六石自非大荒之年不

得希恩改折雖備給軍之用亦不得輕許兌支  
此利在督比者也抑臣竊有慮焉法弊于積習  
人樂于因循得無怨清釐爲紛更而詆整頓爲  
操切乎要在以復祖宗舊制爲主則不爲大力  
所撓不爲浮議所惑而尤貴任用曉暢妙務之  
人以調劑其間天下事無不可爲也何但屯田  
哉伏候聖裁

一議邊屯邊塞屯卒必先無擾田之害然後收  
耕田之利漢趙充國留金城屯田擊先零宣帝

問以羗人亦擾將何以止之充國奏曰北邊自  
燉煌至遼東乘塞列隧有吏卒數千人羗數大  
衆攻之不能害今留步士萬人屯田地勢平易  
多高山遠望之便部曲相保爲塹壘木樵較聯  
不絕使兵弩飭圖具烽火幸通勢及并力以逸  
待勞兵之利者也從其策而屯田成先零遂困  
唐韓重華墾田代北募人爲十五屯每屯百三  
十人人耕百畝就高爲堡東起振武西逾雲州  
極於中受降城凡六百餘里列柵二十墾田三

千八百餘里歲收粟二十萬石今誠令沿邊於  
屯田多處因其地勢立爲營堡相其要害廣置  
樵柵內得以安居而外難於猝攻又且彼此相  
望聲息相聞敵豈遂能爲吾患哉若夫遠外之  
地苦于勢孤則當謹烽火以料之布遊兵以防  
之遇有抄掠入境未至之先豫知儆備勢可敵  
則出拒不可敵則歛避百無一失唯是邊政久  
弛○人○秋○毫○矣○盡○則○利○興○矣○墩軍斥埃多虛應故事不肖武弁或賣閒或  
私役或扣其月糧致尺籍半虛逃亡相繼敵入

而烽不舉卽有收獲徒資盜糧此耕種之所以  
寥寥也宜責成督撫各道將見在墩軍嚴加點  
察補缺額易老弱墩必五軍軍必有家臺之地  
者修之井之涸者濬之墩旁閒地任其開墾不  
許營弁私科敢有賣開占役以老幼濫充及扣  
尅月糧者察訪糾叅重寘之法庶斥埃明而人  
心有所恃以無恐至耕耘收獲之時除老幼守  
城外凡有丁壯俱令盡室而行以擁衛之當不  
憂戎馬之侵軼也而於是乎傲蒙恬之壘上爲



山蘓榆爲塞做吳璘之地網下地鑿渠深丈餘  
連環不斷傲李尤則之爲園澹井列畦隴築短  
垣行見我疆我理地自爲險我鼓我鐸家自爲  
衛矣伏候聖裁

一議墾種欲使地無遺利人無留力其道有三  
一曰用水一曰因土一曰俵牛用水之法或澆

川或疏渠或引流或設壩或建閘或設擺其規

制在故輔臣徐光啓疏中最爲詳備今北方之

地皆可作水田亦○種○論○所以廢置不講者以水田自犁

地浸種插秧藳草灌水無一息得暇逸而北人

刻骨之言

習嬾故也徐貞明規度水利遼海以東青徐以南鑿鑿有據大抵京東諸地山之湧泉溢地而出河之支流等地而平未有如東南轉水於數仞之深者海勢趨於東南歲多潮患自遼海以及青徐有海之饒而鮮潮之患至若中州之地或低窪則圍田之法可行也山東之地半瓦礫則叠耕之制可議也瀕海之地多滷鹹則支河

何其通達至是

之說可採也濱湖之地每沮洳則芍陂之跡可

求也。又如高燥之區，平行之地，天澤不時，非旱

則澇，其效在廣開溝洫，先度量地勢，高下跟尋

即禹之法，水之法，不過如是，不井田而

水所歸，宿濬河以受溝之水，開溝渠以受橫潦

復古

之水，官道之衝，設大堤以通行，偏小之材亦增

卑薄，以成徑，惟欲於道旁多開溝洫，使接續通

流水，繇地中行，不占平地，又度低窪處，所多開

塘堰，以瀦蓄之。夏潦之時，水歸溝塘，亢旱之日

可資灌溉。高者麥，低者稻，平行地多，則木棉桑

枲皆得隨宜。樹藝土成膏腴地，無遺利，遍野皆

衣食之資矣先臣左光斗嘗曰沿河地方除運河不敢開洩外其餘源流瀦委是不一水陂塘堤堰是不一川或故跡之可尋或方便之可設工力多者官爲量給費少者聽民自舉惟無水之處不必鑿空尋訪以蹈卽鹿無虞之戒斯言深得其要矣何謂因土周禮職方穀宜三種大中祥符時取古城稻三萬斛分給居民擇田高仰者蒔之內出播種法不擇地可生今制給軍國皆以稻而永樂三年定歲收志田籽粒則例

每粟穀糜黍大麥蕎稌冬二石稻穀葛秫各二石五斗黍稗各三石並各准米一石小麥芝蔴與米同宜令凡新墾之田無論梁菽蕒芋蔬菜之類審從其便惟意所適不必規規種稻又如邊方之地累稱不毛又卽種樹亦可蘇秦有言燕雖不相作而棗栗之實足富于民程璿植雜木數萬曰異昔樓櫓具可不出于民皆此意也總期于盡地力而已何謂俵牛致洪武時給天下屯牛共二十五萬五千六百六十四隻仍歲課

學生數目登報其後法制稍弛然弘治中猶存  
八萬二千九百四十三隻至萬曆中據報冊猶  
存屯牛五萬三千四百六十四隻今卽不課其  
孳生而原額豈可盡歸烏有卽不能復洪武時  
之舊而萬曆時所存者尚可按籍求也除遼東  
都司五千一百三十一隻今則無矣山東都司  
三百九十五隻福建都司四千三百九十二隻  
福建行都司二百五十六隻廣西都司四百五  
十九隻貴州都司二千一百五十六隻四川都

司四千七百七十一隻四川行都司八千五百  
六十六隻湖廣都司五千四百三十一隻湖廣  
行都司一千六百三隻山西行都司一千一十  
九隻萬全都司一千三百八十五隻陝西都司  
寧夏左屯等衛其一萬四千六百九十隻直隸  
寧山衛二千八百二十一隻直隸興州後屯衛  
八十九隻計共四萬八千三十三隻宜下令曰  
若輩在國初領官牛耕屯原令隨田交割至今  
孳生不乏可以裕耒耜之用矣姑依近額悉退

出還官或錄其牛或徵其價聽界內有新開墾而力不能備牛者咸取給焉其俵散之法依宋制每一夫給牛一頭治田五十畝約可墾新田二百四十餘萬畝俟田已成熟遠限五年近限三年悉令還官又足以給後之新墾者孳生免其造報如有倒死盜賣嚴併追補不煩設處不勞簡括誠救時便計也三策畢舉人力既修地利可盡矣伏候聖裁

一議考課祖制屯田衛以指揮提督所以千戶



提督都司不肯委官督察法本甚詳而武弁自  
好者少或攬納而恣其狼貪或侵欺而詭于鼠  
耗於是議者思革屯弁而屬之有司然非制也  
按嘉靖年間曾選有司佐貳官一員協同收支  
矣今行之萬曆年間曾嚴衛所管屯官考成之  
罰而波及于掌印官矣今行之而近例督屯副  
使僉事等官及府之管糧通判與州縣正官之  
帶徵屯糧者各照民賦例綜覈完欠一體參罰  
功令具在幾可謂無遺法矣唯在實實舉行耳

昔劉定之有言優游城市而足不歷溝塍憑信簿書而目不按廩實此兩者屯官之大戒也臣請更于常罰外武職如有敢行勒占文職如有市恩兌折者所在按臣必以白簡聞奏論治不少貸庶屯弊可頓振乎雖然此爲舊屯言也邊方腹裏皆將以新增望之宜令管屯監司嚴督所部造報荒地若干陸續墾闢期于盡完年終將各省直較勘簡其最多最少者三五人分別陞降以示勸懲果監司督率有方所屬皆無荒

士不妨破格超遷昔宋隆興中臣僚言管屯十  
說而以擇官必審賞罰必行始終之擇官如魏  
武之用任峻司馬懿之用鄧艾是也賞罰如晉  
元帝督課長吏以穀多少爲殿最齊武成詔管  
屯田歲終課所入以論褒貶是也○二○詳○卷○要○重其事權寬  
其歲月釋然挈擔而歸之若使謀其家計然者  
而尚有弊不釐有利不舉則是披裘握水不自  
知其寒煖也當時太祖高皇帝初命諸將屯  
龍江惟康茂才所收充初降璽書獎諭誅侵暴

屯卒百戶吳信至今邊徼屯種五月報屯養七月報結實十月報籽粒 文皇帝亦謂少獵田家見所食粗糲每親勞之管屯官何不如是以開天創業之君而依依南畝眷眷西成是以歲無不登農無不獲願陛下留意伏候聖裁

一議信任前代之屯止數郡而治本朝屯徧天下而反弊前代于軍政外各立一官如都尉中郎之類而治本朝卽統之于軍衛而提督之以監司最簡易亦最詳覈而反弊此其故何也前

代人能舉其法故治近代人多飭其法故弊夫  
御馬者必執轡挈裘者必振領督屯監司所謂  
轡與領也議者不察以爲事權不重位望不尊  
則必不能下令于流水之源而救弊于積窳之  
後然備考累朝以來或遣部院大臣或遣風力  
御史領救察屯領銀種屯明○末○年○事○病○在○增○計供給科求之費何  
○官○不○止○屯○田○啻百千求耕獲菑畬之功竟無尺寸則無如專  
責之督屯監司較爲便易而自非究心疆理極  
意勾稽不憚繁勞罔克勝任請令吏部于凡督

屯缺出務要訪舉通知農務水利及素以富國  
足民爲心者方與推用俟著有勞績勿拘常調  
卽待以不次之擢若夫興革所宜身任其間籌  
之必確尤須假以事權聽其規畫所見果是卽  
與題覆施行不以徇故常而阻不以搖浮言而  
格所謂法貴因肯制宜無取刻舟膠柱也乃臣  
更有所慮者欲行法不得不任怨從○來○真○心○任○事○不○過○此○兩○語既任怨不能  
不任謗今夫屯田之失額也弊繇侵占與隱匿  
二端耳而爲此者有大方焉權貴也豪右也武

弁也。稷蜂社鼠莫敢誰何。吮血齧牙習爲故智。稍懸三尺法以繩之。伺隙中傷。蜚語潛搆禍。且不測是必廟堂之上。毋聽熒銷骨墜任事之心。毋驟樹數移開諉卸之路。將見農狎其野積豐。于垣許下。湟中之利可旦夕幾也。不然誰肯引以爲己任者哉。伏候聖裁。

言之剴切。侶宣公文之峭潔。侶家令

靜子

語練條達。期於可行。朝宗經濟文如此。

恭士

上三省督府勦撫議

督府張公存仁

某以草野書生荷明公引見督府賜之曲坐又  
數頒手札詢問今日彌盜方畧某誠感遇慙恩  
雖自審祿祿不容無言竊惟今日之盜蔓延雖  
衆實無遠圖不過求衣食救死亡其初守令激  
成之而後乃更養之○語○已○見○大○畧○必察知其致盜之原然後  
可以收彌盜之效不盡關係用兵此須明公經  
緯東土畢入覲天子痛陳利弊一洗酷貪庸憤  
之習得數十賢守令天下太平可坐致某今日



書生徒言無益語云救病者急則治其標謹擇  
方畧機宜切於施行者條具爲勦議五撫議五  
皇恐塞命伏候裁斷

勦議一曰逼巢穴竊見草竊偷生敢抗戎索實  
以去軍府所屯遠者三百里近者亦百餘里邇  
日兵出鳥飛煙散歸又復蠅聚我常爲客通病盜常  
爲主不若移一旅之師寬其期會互爲犄角使  
逼處傍近村落隨宜撲剪聯樓夾寨漸次燒除  
鬼窟既破烏合焉棲庶幾十乘不煩多駕

一日絕徑路竊見盜賊所居非有城池不過深  
林密箐暫爲掩蔽生聚不多資蓄易匱金帛器  
械之用牛馬之力皆掠取周道以延歲月誠於  
四旁分布勁卒扼其出沒防其窺伺譬若狎虎  
釜魚飽哮游沫旬日可斃牽制小醜大略豈必臨戎  
一日因糧食竊見歲在夏秋麥菽滿野巢窟之  
下固皆賊田卽東阡西陌稍附近者不爲賊掠  
取亦爲脅送徒飽豺虎何益蓋藏莫若及時興  
師聲援土著俾所在隨地收獲七給民用三濟

軍需羣盜就哺無術豈能持久將見梟雄日漸  
消沮

一日鼓敵仇竊見伏莽嘯聚黨與雖多不甘汚  
染亦自有人賊皆係累其妻子蕩析其生產今  
吾遺民團結遠徙衣草葉食木屑恨不一鬪誠  
得一賢將率師助其夙憤諸所得賊之財物仍  
令自取則斬木持鋤皆爲選旅旣開地利又省  
召募計一處可得步卒盈萬

一日散黨援竊見兵制罔救志在渠魁獸窮則

攫良非得已。今茲饑寒之徒，弄兵潢池，軍威一臨，情見勢窮，不無內變。莫若設疑以間之，用間以離之，使羣盜自生猜貳，互相屠滅。既示必死之期，又開可生之路，利害懸殊，事捷功倍，宜奉○意○抱○在○不○殺○退靈遊全者多。

撫議一日固根本，竊見諸來降者，散處肘腋，蔡

人吾人，推心甚善。然聞之指大於臂，則臂不能

運，指操縱之勢自古而然。莫若厚集牙兵，以資

彈壓，無使威重轉見輕玩。庶彼鴟音永變，鷹眼

不存未雨早防可省後圖

一日昭激勸竊見降人立功本求官位虛數小  
大○累○慈有文無實雄心久鬱必至變生班定遠嘗言  
塞外戍卒本非孝子順孫何況於曾爲盜渠莫  
若於此中擇一二人之可用者量補軍職莫彼  
美榮目前望遷事後從此歸化心堅風靡者廣  
一日簡精銳竊見首領旣降部曲漸多槩遣恐  
鼓舞非宜全留又芻粟難給莫若十中選一千  
中選百擇其超乘按名補伍仍付彼渠帥自爲

部署其餘悉爲安置歸農府帳可壯軍實彼亦  
不憂枵腹

一日信號令竊見刀筆之吏不暇遠慮降人歸

見得更到

鄉或挾其讐或利其有今日赦條不能行於郡  
縣者比比皆是痛切忌誠畏死不免求生莫若嚴告  
且戒間行破格大法一二事示吾徒木杜彼傷  
弓庶使毛織櫛疏之徒不以文法撓我撫局

一日責屯種竊見降人無以生生雖與其進難  
保其往昔以招降爲盜賊退步今日又以盜賊

依前之論

爲招降逋數展轉滋蔓底定無期今如曹濮莘  
范之間無主遺田盈千滿萬莫若責彼邑長簿  
紀姓名勸耕桑捐稅役量口授畝仍以墾田之  
多寡定邑上下則是人無餘時官無棄地無餘  
時則亂心息無棄地則生業饒庶幾賣劍之後  
不滋隱憂

以上勦撫十議自相表裏亦有後先勦能使見  
爲盜者必亡不能使未爲盜者不起撫可行於  
羣盜未撫之時不可恃於羣盜既撫之後殺運

不除水火可憫明公任兼將相所願深圖本計

仁○人○宰○相○之○言

救濟蒼生某且得歌詩以述太平幸甚

十議皆合時宜而文之格調又侑西京

恭士



萬孝子割股議

有言萬孝子割股愈其母之疾者或曰當事是

宜請於上旌而表之或曰否著在會典余竊以

人子至性純篤世不常有顧格于禁例無以推

駁極論裨益仁孝之化不可以不辨按全州孝

子唐儼割其右臂肉啖父事與此相類姚太史

涑論曰昔鄂人之對謂毀傷滅絕蹟政妨義不

可以訓後世守其說不變夫身體髮膚不敢毀

傷聖人之訓也但用非其所雖拔一毛猶懼其

毀且傷也如出於至誠發以忠孝則肝腦可塗  
腰領可斷而况於一股哉昌黎又謂陷于危難  
固其忠孝以是而死者然後旌勸加焉夫所謂  
危難者禦患復讐類也今視其親之疾痛瘡痍  
而大不忍之心生焉其情獨可緩哉無可奈何  
而甘於自殘以求其親之生聽其所爲可也且  
自殘其肌膚其勢濱於死矣是必篤於義烈而  
非世之詭與激者所能襲也以斯人而使固於  
忠孝彼焉有不蹈者乎今不惟其情而且以毀

傷爲非則韓子持論之過也昔者周公以身祈  
武王也兄弟君臣之間苟可以延武王之命死  
且爲之而况其餘乎信如周公之願而死也則  
滅絕其身不特毀傷之慘而已將以絕滅之罪  
加之乎吾固知其不可也推此義也則人子如  
唐生者君子所許也孰謂其過哉嗚乎姚氏之  
論至矣孝於其親古之所謂至德要道也世衰  
道微上之人不復激揚名教而天下誦詩讀書  
之人其平居旣不能致身力養少少自盡及一

旦○危○險○有○事○則○又○雍○容○澹○漠○引○文○飾○義○視○等○行○

路○類○借○口○以○爲○中○道○宜○爾○賢○者○不○敢○過○其○間○有○

奮○不○一○顧○以○赴○其○君○親○者○反○以○爲○詭○且○激○切○切○

然○議○之○天○顯○烏○自○而○惇○民○奠○烏○自○而○正○哉○夫○世○

之○切○切○然○議○之○者○以○其○詭○且○激○也○今○有○人○於○此○

誠○能○詭○且○激○焉○而○勉○爲○一○善○其○明○日○又○復○爲○之○

又○明○日○又○復○爲○之○漬○漸○而○爲○之○不○止○則○是○終○日○

而○且○皆○善○也○終○日○而○皆○善○又○安○問○其○詭○與○不○詭○

激○與○不○激○哉○抑○忘○其○身○以○事○君○竭○其○力○以○事○親○

而必謂之詭且激則世之誦詩讀書之人所謂  
誠然而安然而果何爲也嗚乎余是以賢萬孝  
子或曰孝子父爲宿將行兵有紀律不妄殺掠  
是其全人父子骨肉者多矣固宜有令嗣然則  
孝子生長戎馬之間未嘗有所觀習願以至性  
純篤反衰俗而振古行非偶然也未一何出當事雖爲請  
於上旌而表之可也一篇王意

議極正當文稱絕作 恭士